



# Laerskool Eligwa

26 April 2024

Geagte Ouers / Voogde

## NUUSBRIEF NR. 6 VAN 2024

Graag bring ek die volgende onder u aandag:

### 1. ASSESSERING

Ons is deurlopend besig met assessering. Volgehoue en pligsgetroue werk dwarsdeur die jaar bepaal sukses en nie net die formele assesseringsgeleenthede nie. Ondersteun asseblief u kind.

### 2. HOOFLEIERS

Baie geluk met die verkiesing van ons hoofleiers vir 2024.

Hoofseun : Emile Crafford

Onderhoofseun : Tobie Barnard

Hoofdogter : Lienka Strydom

Onderhoofdogter : Zanell Swart

### 3. SKOOLDRAG

Vanaf 6 Mei 2024 word wintersdrag gedra. Ons wil graag 'n vriendelike beroep op u doen om u kinders in volledige skooldrag skool toe te stuur. Dit bevorder 'n eenheidsgevoel en 'n skooltrots. **GEEN** Vrydagdrag word dan toegelaat nie.

### 4. HEMELVAART

Die Hemelvaartdiens vind plaas op Donderdag, 9 Mei 2024. Die diens gaan plaasvind in ons skoolsaal. Indien u enige beswaar het dat u kind dit mag bywoon, versoek ons u om 'n brief te stuur sodat die nodige toesig gereël kan word. Daar sal dan ook geen sport na skool wees nie.

### 5. SKOLIERPATROLLIE

Die skolierpatrollie van die skool het 'n ongelooflike groot taak en verantwoordelikheid wat op hulle skouers rus. Hulle word aan die begin van die jaar opgelei deur die verkeersdepartement sodat hulle op die regte en veilige manier die kinders oor die pad kan help. Ek wil egter 'n dringende beroep op elke ouer doen om hierdie leerlinge te respekteer met die taak wat hulle verrig. Daar word van u as ouer ook verwag om die reëls te gehoorsaam deur die pad op die regte plek (by die skolierpatrollie) oor te steek en om nie met u voertuig te jaag nie. Sou u die pad op die verkeerde plek oorsteek of met u voertuig jaag, is die kinders aangesê om u vriendelik te versoek om dit nie te doen nie. Die

verkeersdepartement het ons ook toestemming verleen om gereelde oortreders se registrasienommer neer te skryf en aan hulle deur te gee vir vervolging. Baie dankie vir u begrip in die verband.

## 6. **LAATKOMMERS**

Daar is baie leerlinge wat op 'n daaglikse basis laat kom. Ons doen 'n beroep op ons ouers om toe te sien dat leerlinge stiptelik is in die oggend. Die registers word vroeg voltooi en daar word dadelik met akademiese werk begin. Dit is baie ontwrigtend indien leerlinge laat is en personeel die akademiese program moet staak om laatkommers te akkommodeer. Baie dankie vir u begrip in die verband.

## 7. **KARNAVAL**

Die sluitingsdatum vir die inbetalings van die borgvorms is Maandag 29 April 2024.

Baie dankie vir u mooi bydrae t.o.v. die karnaval. Dit is wonderlik om deel te wees van so 'n ouergemeenskap:

- Leerlinge trek gewone klere aan en hoef nie tasse skool toe te bring nie (onthou handdoeke en swemklere). Sien asseblief toe dat u kind se swemklere netjies en fatsoenlik is. Onthou ook die sonbrandroom!
- Daar sal baie eetgoed aangebied word. Kom ondersteun ons asseblief. Die kinders wat boekiekaartjies gekoop het, sal dit die oggend van die karnaval ontvang. Kaartjies sal steeds deur die dag te koop aangebied word. Die kaartjies wat die leerlinge gekoop het moet opgebruik word en geen geld sal terugbetaal word vir ongebruikte kaartjies nie.
- **GEEN ALKOHOL WORD OP DIE TERREIN TOEGELAAT NIE.**
- Leerlinge wat R80 betaal het vir die waterkaskenades OF 'n vol borgvorm ingehandig het, sal ook die oggend van die karnaval die bandjie ontvang en mag heeldag op die toerusting speel.
- Daar gaan baie speletjies en kompetisies aangebied word. U het reeds 'n pryslys van al die eetgoed en speletjies ontvang.
- **Leë borgvorms** moet ook terugbesorg word. Indien nie, sal die leerling verantwoordelik gehou word vir die totale waarde van die uitstaande vorm wat R150 beloop.
- **GEEN jonger boeties of sussies mag die leerlinge vergesel nie.** Personeel kan ook nie verantwoordelikheid aanvaar vir jonger boeties of sussies nie. Hulle mag wel saam met hulle ouers die karnaval bywoon. Kom geniet die dag saam met ons.
- Die program vir die dag is ook reeds in u kind se besit.

## 8. **GR. RR,R EN 1 OPEDAG (15 MEI 2024)**

Ons herinner u aan bogenoemde opedag wat sal plaasvind om 17:00 op 15 Mei 2024. Lig asseblief alle belangstellendes waarvan u weet oor bogenoemde in.

## 9. **HOP-AAND**

Neem kennis dat die hop-aand uitgestel is tot Donderdag, 6 Junie 2024 as gevolg van die rugby wat plaasvind in Frankfort.

## 10. **RUGBYDAG 2 MEI**

Op Donderdag, 2 Mei 2024 speel al ons rugbyspanne wedstryde in Frankfort teen Laerskool Wilgerivier. Die eerste wedstryde begin reeds om 14:15. Beide die skoolbussies en 'n groot bus gaan reeds vanaf 12:15 vertrek sodat ons betyds kan wees in Frankfort. Die skool sluit dus vir alle leerlinge om 12:30. Dankie vir u begrip in die verband.

## 11. WERKERSDAG

Neem asseblief kennis dat Woensdag, 1 Mei 2024 Werkersdag is. Daar is dus geen skool nie.

Groete



---

**BD BOSHOFF**  
**HOOF**